

SUB: BODO

CODE:092

2019-20

CLASS-X

SECTION-A

READING COMPREHENSION

गाहायाव 1 निफ्राय 3 सिम होनाय सौथिफोरखौ मोजाइ फराय आरो सौनाय बादि फिन हो:

1. बर' हरिया गोदो गोदायनिफ्रायनो शिवखौ बाथौ महरै अरायबो सिबिबोदोंमोन आरो दासिमबो सिबिगासिनो दं। हिन्दु धोरोमावबो शिवखौ सिबिनाय खान्थि दं गोहोनि मोदाइ महरै। नाथाय सिगाडाव आर्य हिन्दुफ्रा सिबियामोन। मंगलियान एबा किरातफोरजौ हरिमुनि सोलाय सोल' जानायाव बिसोर शिवखौ गोहोनि बिगोमा महरै सिबिनो हमो। मंगलियान बर'फोरनि देरसिन मोदाइ शिवखौ आर्य हरिफोरा उनाव शक्ति महरै नाजावनानै लानाया बर' हरिनि आर्य हरिमुनि सायाव गोहोम गोग्लैनायनि जाहोन। दानाय-लुनाय, मोसानाय, मेथाइ खननाय, मोदाइ-दावदाइ सिबिनायाव जेरै बर'नि हरिमुवा आर्य हरिमुवाव गोहोम गोग्लैदों बिदिनो जानाय-लौनायावबो बर'नि आसारखान्थिया गोग्लैदों। मायथाइनिफ्राय मायथाइ, मुगानिफ्राय मुगा सोरजिनि बे दुलाराय भारत हाददाव जायखौ बुंनाय जादों भारतबर्ष अन्तदेश। शिष्टाचार रहित कामरुपा म्लेशदेश होननानै। बे म्लेशदेशनि रैरुब हायाव आलो आलो राइजो जाबोनाय किरातफोरजौ बेसेबा गोबाव बर'फोरनि अननायाव थादेरबोनाय आर्य हरिनि जानाय-लौनायावबो गोबाडैनो बर'नि खान्थिया गोहोम खोलैदों।

5x1=5

क) हिन्दु धोरोमाव शिवखौ मा महरै सिबियो?

i. बाथौ महरै

ii. गोहोनि मोदाइ महरै

iii. हरिमुनि मोदाइ महरै

ख) मंगलियानफोरखौ मा मुंजौ मिथिबावो?

i. हिन्दु

ii. किरात

iii. बर'

ग) गाहायनि बबे मोनसेया बर' हारिनि आर्य हारिमुनि सायाव गोहोम गोलैनायनि जाहोन?

i. शिवखौ आर्यफोरा शक्ति महरै नाजावनाया

ii. शिवखौ आर्यफोरा बाथौ महरै सिबिनाया

iii. शिवखौ आर्यफोरा मुगैनाया

घ) गाहायनि बबे मोनसेया आर्य हारिमुवाव बर' हारिमुनि गोहोम नडा?

i. आलासि सिबिनाय

ii. दानाय-लुनाय

iii. जानाय-लौनाय

ङ) म्लेसदेश होनना माया मिथिजायोमोन?

i. भारतबर्ष

ii. कामरुप

iii. प्रगज्योतिषपुर

2. उपेन्द्र चन्द्र गुह'नि बादियैब्ला बर'फोरा कच हारिनि मानसिफोरखौ खुंसा बुंनायमोन। बिसोर नाथाय जायगाखौ खुसपुर बुंनायमोन। उनाव खुसपुरनिफ्राय खासपुर जाबोदों होननानै बिथाडा बुंदों। बिथानि बादिब्ला गोदो खासपुराव कचफोर दंमोन। जायखिजाया मानो एसेबां गोख्रों आरो गोमोथाव कारुकार्य गोनां राजथावनि खासपुरखौबो सुथुरफोरनि गले गले उदखाराव थावरिनो हायैलाय राजा गबिन्द चन्द्रवा गारनानै सिरि सिरि हरिटिकर मुंनि दाबसे जायगायाव खारखोमा लाडो। बेवहायनो बियो गायसन हैयो गोदान राजथावनि। हरिटिकरा दरसे फिसा गामिसो। बे

जायगानिफ्राय बारा गोजान नडा बराक दैया। बेनो बोहैलांनानै उनाव दौनै जाहैदौं। दौंसेया कुसियारा, दौंसेया सुरमा। सोरगिदिं गाहाय गोजौ हाजो थिला। सोमखोर सोमखोर हाग्रा बेन्दौं-बेनला। हाजो सेर सेर ग्री ग्री, अरं गेजेर गेजेर खोल खोल जिर जिर दै बोहैनाय, रिन्द्राव रिन्सि दाउमा-दाउसा मेथाइ खननाय। सान हर मोसा लख्रा सोगोमनाय। बेवहाय नुनो मोनो खोलो खोलो बार बारनायजौं देमग्लाय देमसि बंफां लाइफां मोसानाय।

5x1=5

क) सोरखौ खुंसा होनना बुडोमोन?

- i. बर'फोरखौ
- ii. कचफोरखौ
- iii. गबिन्द चन्द्रखौ

ख) खासपुरा मामोन?

- i. गामि
- ii. नोगोर
- iii. राजथावनि

ग) सुथुरनि उदखारखौ थावरिनो हायैनि गबिन्द चन्द्रवा बबेयाव खारखोमा लांदौंमोन?

- i. खासपुर
- ii. बराक
- iii. हरिटिकर

घ) फराखोन्दोआव बराक सोदोबा माखौ फोरमायदौं?

- i. गंसे गामि
- ii. राजानि राजथावनि

iii. गंसे दैमा

ड) बबेयाव गोजौ गाहाय हाजोथिला थानायनि बाथा बुंनाय जादों?

i. बराकाव

ii. हरिटिकराव

iii. खासपुराव

3. नारखो बुदांनि फोलेरानो फ्राजुथैसा पुरी राइजोनि खरसा हारि एबा खर'सा -गिबि (सिगां हारिमोन। खर'सा हारिखौ उनाव बुरञ्जी पण्डितफ्रा माबा किराट होननानै बुंदों। खर'सा बे सोदोबनि सोदोबथिखौ आख्रान-दख्रान नागिरब्लाबो दिहु ननो हायैलाय आरो बेयो मा रावनि सोदोब हमनो हायैलाय बे सोदोबखौ बिसोर किराट, किराटिच, किराटा बायदिसिना बुंदों। बे जुगावनो मोगथां पुरीयाव बयनिखुइ माइ जासिनग्रा दरसे जायगा दंमोन। बे जायगाखौ माइ मोनसिनग्रा होननानै बुंनायमोन। बे राजानि आमोलावनो मोगथां पुरीयाव राइजो-राजा, जाम्बा-जाम्बि बयबो रंजाग्रा थिलिफोरबो दंसोगारोमोन। रंजाग्रा थिलिखौ बिसोरो रंजापुरी होननानै बुंनायमोन। बे रंजापुरीफोरखौ दा माबा रंपुर होननानै बुडो। दानि बांला हादतनि रंपुर आरो आसामनि शिवसागर जिल्लानि रंपुर मोननै रंजाग्रा थावनिया बयनिखुइ देरसिनथारमोन।

5x1=5

क) खर'सा हारि सोदोबजों सोरखौ फोरमायदों?

i. नारखो बुदांखौ

ii. गिबि हारिखौ

iii. फ्राजुथैसा पुरीखौ

ख) आख्रान-दख्रान सोदोबनि ओंथिया-

i. सा-साज्रां

ii. खुरखाव-खुरसि

iii. हाथा-हारमा

ग) रंपुरा बबे बबे जायगायाव थानायनि बात्रा फरायाव रायखांदों?

i. फ्राजुथैसा पुरी आरो रंजापुरीयाव

ii. फ्रजुथैसा पुरी आरो शिवसागराव

iii. बांला हादत आरो शिवसागराव

घ) किराट होननानै उनावहाय सोरखौ मिथिनाय जायो?

i. फ्राजुथैसा पुरीखौ

ii. खर'सा हारिखौ

iii. रंपुरखौ

ङ) खर'सा सोदोबनिफ्राय गाहायनि मा सोदोबा जोनोम मोनाखै?

i. रंपुर

ii. किराटा

iii. किराटिच

SECTION-B
WRITING COMPOSITION

4. नोंसोर सोरनिफ्रायबा खोनानाय एबा फरायनो मोननाय दोंसे सल'खौ गावनि रावजों लिरफिन।
(मोन 150 सो सोदोबनि गेजेराव) 6

5. नोंसोर नोंसोरनि जिउनि बबेबा सानसे गोसोखांथाव सानखौ गोसोखांनानै सुंद' सानरेब (दाइरि)
लिर। (मोन 150 सो सोदोबनि गेजेराव) 6

6. नोंसोरनि फरायसालियाव जानो गोनां गेलेनाय आरो बायदि हारिमुवारि आयदानि सोमोन्दै
फरायसा-फरायसुलि लोगोफोरनो मिथिहोनानै गांसे मिथिसार बिलाइ लिर। (मोन 120 सो
सोदोबनि गेजेराव) 5

7. नोंसोर दासिम बबे जायगासिम दावबायहैनानै साबसिन मोनदों आरो मानो रोखा
फोरमायथिनानै लिर। (मोन 160 सो सोदोबनि गेजेराव) 8

SECTION-C
GRAMMAR

8. मुंमा माखौ बुडो? बेनि बाहागोफोरा मोनबेसे आरो मा मा फोरमायना लिर। 2+3=5

9. गाहायाव मोनसे सौंथिनि थाखाय मोनथामै जाथावना फिन होनाय दं। गेबें फिनखौ सायख'ना दिहुन। 15x1=10

क) गाहायाव होनायफोरनि बबेया थाइलालिनि थाइलालि नडा सायख'?

i. बेसेबा अनसुला

ii. नेहाद फाफि

iii. लासै लासै

ख) गाहायाव होनायफोरनि बबे मोनसेया सुबुं दिन्थिग्रा मुंराइ सायख'?

i. नौथां

ii. बे

iii. सोरबा

ग) गाहायाव होनाय जथाइ सोदोबफोरनि बबे मोनसेया मोनसे मुंमा आरो मोनसे थाइजानि जथाइजौं दाजानाय नडा?

i. लाइजौ

ii. हासिब

iii. आफाखर

घ) कमल कुमार ब्रह्मवा दाजाब सोदोबखौ मोनबेसे बाहागोआव बाहागो रानलांदों?

i. मोननै

ii. मोनथाम

iii. मोनब्रै

ड) गाहायाव होनायफोरनि बबे मोनसेया से मावजाग्रा गोनां थायजा सायख'?

i. बिमाया फिसानो ओंखाम दौदों।

ii. रुवाथिया हासिबजॉं सिथ्ला सिबदों।

iii. दाहोनाया हाल एवदों।

च) जाफु बिदिन्थाखौं मोनबेसे बाहागोआव बोखावबावनाय जादों?

i. मोननै

ii. मोनब्रै

iii. मोनद'

छ) गाहायाव होनायफोरनि बबे मोनसेया जरा सोदोबनि बिदिन्थि नडा सायख'?

i. बारि-बागान

ii. बेफार-फालांगि

iii. मानसि-दुमसि

ज) गाहायाव होनाय सोदोबफोरनि बबे मोनसेखौं हा (soil) सोदोबजॉं दाजाबनानै गेबें सोदोब मोना सायख'?

i. खर

ii. दान

iii. सुं

झ) आवा फावा बाथ्रा खोन्दोबनि ओंथिया-

i. जेरै मोनो एरै

ii. थं एबा थांखि गैयै

iii. गोदाव सोराव

ञ) जिउयै माहामै बाथ्रा खोन्दोबनि ओंथिया-

i. गोसो मोदोमै

ii. मोदोमै मोखायै

iii. जयै गोगोमै

ट) गाहायाव होनाय सोदोबफोरनि बबे मोनसेया फोलेर दिन्थिग्रा मुंमा नडा?

i. हाजो

ii. दैमा

iii. बुरलुंबुथुर

ठ) कमल कुमार ब्रह्मवा थाइलालिखौ मोनबेसे बाहागोआव रानलांदौ?

i. मोनथाम

ii. मोनब्रै

iii. मोनबा

ड) गाव दिन्थिग्रा मुंराइखौ फोरमायनो बर' रावाव मोनबेसे सोदोब दं?

i. मोनसे

ii. मोननै

iii. मोनथाम

ढ) गाहायाव होनायफोरनि बबे मोनसेया होनजाब सोदोब नडा लिर।

i. थिं थिं

ii. थिं थ

iii. थ थ

ण) गाहायनि बबे मोनसे बिदिन्थिया गोदो बिदिन्थानि दाजाबदा नडा?

i. -दों

ii. गौमोन

iii. गोन

SECTION-D

LITERATURE

10. गाहायाव होनाय मोननै सोंथिफोरनि सुंद' फिन लिर: 2x2=4

क) चन्द्रयान-आ मा रावनि सोदोब आरो बेनि ओंथिया मा?

ख) जायखिजाया मोननै बर' बाथ्रा फावनि मुं लिर।

11. गाहायाव होनाय सोंथिफोरखौ मोनसे सोदोब एबा बाथ्राजों फिन: 4x1=4

क) निबेदिता सोदोबनि ओंथिया मा?

ख) आन्द्रिया लमेला सोरमोन?

ग) सप्ताहयाव कमैबो सानबेसे सुबुं जिउखौरां फरायनांगौ होनना लिरिगिरिया बुंदों?

घ) सर्दार बाहादुर बेलबुराम सुबादारा मा मापनि हुकुम दें

12. गाहायाव होनाय मोननै सोंथिफोरनि सुंद' फिन लिर: 2x2=4

क) आरज खन्थायाव खन्थाइगिरिया सोर बादि मानसिखौ गोहो गोरा बुंदों आरो मानो?

ख) जोमैखौ नुब्ला खन्थाइगिरिहा मा हाबिला जायो आरो मानो?

13. गाहायाव होनाय सोंथिफोरखौ मोनसे सोदोब एबा बाथ्राजों फिन: 4x1=4

क) एसेल' नंथारा बे हारिया होनना खन्थाइगिरिया मा हारिनि बाथ्रा बुंदों?

ख) नांगोल भाडाया मानि मुं?

ग) गो-आखुनि रादाय सोदोबजों खन्थाइगिरिया मा फोरमायदों?

घ) सोरनि साननायजों सोलियिनि खन्थाइगिरिया गोरान्थि जाबोनायनि बाथा बुंदों?

14. गाहायाव होनाय मोननै सोंथिफोरनि सुंद' फिन लिर:

2x2=4

क) बिहु राम बरखौ माब्ला आरो मा समाव गावथारदोंमोन?

ख) लिरगिरिया चीन हादराव माब्ला आरो मानो थांदोंमोन?